

mortem transfundi, ineptè & falso contenderent. Sed hi nostri elutriatores non de hominum animis: sed de ipsis diuinis Personis commenta sua finxerunt, inuexeruntque. Atque eo ipso peior est & grauior hic error.

2 *In Patre Filium.*) Triplex erroris caput. 1 Filium in Patre tanquam vas minus in maiore esse & contineri, vt Christi sententia, Ego sum in patre, locum habeat. Atqui hoc propter vnã eandemque Patris & Filii essentiam dictum est, non quòd corporali quodã situ vel complexu vna persona alteram ambiat, constringat, tangat & amplectatur. Quod de Deo sentire ridiculum est. 2 Deum esse corporeum, & corporali situ modòque *κείσθαι* & habere suum vbi, in quo est. Hoc ex Anthropomorphitis translaticiũ est. 3 Caput, quod ex duobus his superioribus necessariò consequitur, nimirum in diuina essentia aliquid esse seipsa maius, aliquid etiam minus, quod est prorsus absurdum & *ἀσύστατον*. Maius quidem, vt Pater: minus autem, vt Filius: contra quem errorem acerrimè verissimèque disputauit iam pridem vir Dei Athanasius Alexandrinus episcopus. Et hæc quidem de vipera ista minimòque serpente, sed tamè nocentissimo. Tanti est nimirum cùm de Deo cogitamus, à rebus corporeis ad cœlestes animum mentemque traducere.

---

 CAP. LIX.

Seleuciani vel Hermiani cur sic dicti. Erroris autem eorum capita septem.

*Seleu-*